



UGOVOR

o javnoj nabavci odoranta THT (sredstvo za odorizaciju prirodnog gasa)

Ugovorne strane:

KJKP „Sarajevogas“ d.o.o., Sarajevo, ul.Trg Fadile Odžaković Žute br. 4, 71000 Sarajevo
Koga zastupa: Direktor, mr. sc. Nihada Glamoč, dipl.ing.maš (u daljem tekstu: Kupac)

i

ELOB d.o.o. Zagreb, Avenija V. Holjevca br. 20, 10020 Zagreb
Koga zastupa: Direktor, Jadranka Fumić, dipl.oec. (u daljem tekstu: Prodavac)

Član 1.

Predmet ovog Ugovora je isporuka Odoranta THT (sredstvo za odorizaciju prirodnog gasa), po provedenom otvorenom postupku nabavke broj TD-05-20/17. Prodavac je dostavio ponudu prema Obrascu za cijenu ponude - Aneks III, koji je priložen ovom ugovoru i predstavlja njegov sastavni dio. Isporuka je sukcesivna prema potrebama i zahtjevu Kupca (cca 2 isporuke za 12 mjeseci).

Član 2.

Ugovorena vrijednost robe iz člana 1. ovog ugovora, na paritetu DDU Sarajevo (neocarinjeno) iznosi: 35.650 EUR, odnosno 69.725,33 KM (slovima: tridesetpethiljadašeststotinapedeset EUR ili šezdesetdevethiljadasedamstotinadvadesetpet i 33/100 KM).

Član 3.

Prodavac će robu iz člana 1. isporučiti u roku 30 dana od prijema narudžbe Kupca i preuzimanja praznih spremnika. Ugovorne strane su saglasne da se kvalitativni i kvantitativni prijem isporučene robe izvrši u skladištu Kupca. Komisija će za svaku pojedinačnu isporuku sačiniti Zapisnik o kvantitativnom i kvalitativnom prijemu robe. Ukoliko se Prodavac ne bude pridržavao odredbi utvrđenih u stavu 1. ovog člana, Kupac zadržava pravo da zaračuna penale u iznosu od 1% za svaki dan kašnjenja, ali tako da cjelokupan iznos penala ne može biti veći od 5% ukupne vrijednosti ugovora.

Član 4.

Prodavac će obračun isporučene robe vršiti po jediničnim cijenama iz Obrasca za cijenu ponude - Aneks III, priloženog uz ovaj ugovor. Kupac će plaćanje izvršiti na transakcijski račun naznačen na fakturi Prodavca, u roku od 30 dana od prijema robe i uredno ispostavljene fakture.

Član 5.

Obaveza Prodavca je da isporuku robe izvrši u roku, količini i kvaliteti kako je ugovoreno, uz obavezno dostavljanje dokumentacije koja prati svaku isporuku robe (EUR 1, Tvornički certifikat i Tehničko uputstvo). Ukoliko se Prodavac ne bude pridržavao odredbi preciziranih ovim ugovorom, Kupac zadržava pravo da predmetnu robu vrati na teret Prodavca uz naknadu prouzrokovane štete.

Član 6.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprečavaju jednu ili obje ugovorne strane u izvršavanju njihovih ugovornih obaveza.



Član 7.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja Kupca.

Član 8.

Prodavac na isporučenu robu daje garanciju na kvalitet u trajanju od 1 (jedne) godine računajući od momenta isporuke.

Član 9.

Ukoliko Kupac u ugovornom roku iz člana 4. ovog ugovora ne plati cijenu za isporučenu robu obavezan je Prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 10.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri pisano obavijesti drugu ugovornu stranu sa otkaznim rokom od 30 (trideset) dana.

Član 11.

Ugovorne strane su saglasne da Prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bila angažovana kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 12.

Na sve odnose i institute koji nisu navedeni u ugovoru, a pojave se prilikom realizacije, primjenjivati će se odgovarajuće odredbe Zakona o obligacionim odnosima.

Član 13.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Član 14.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavat će nadležni sud u Sarajevu.

Za Prodavca:

Direktor, Jadranka Fumić, dipl.oec.

Broj i datum ugovora, 016/17

od 20. 10. 17.


ELEKTROOBJEKTI d.o.o.
unutarnja i vanjska trgovina
10020 ZAGREB, Av. V. Holjevca 20
2

Za Kupca:

Direktor Preduzeća

Mr.sc. Nihada Glamoč, dipl.ing.maš.

Izvršni direktor

Mr. Mehmed Mehović, dipl.oec.

Broj i datum ugovora, 213/17
11-10-2017





KJKP SARAJEVOGAS d.o.o.
Specifikacije

SP	OJ06	BR/god	TD-05-20/17	BR	01
----	------	--------	-------------	----	----

OBRAZAC ZA CIJENU PONUDE

Strana:
1 od 1

Naziv ponuđača: ELOB d.o.o. Zagreb
Broj i datum ponude: AM-113/17

ANEX III

NAZIV ROBE: ODORANT THT (SREDSTVO ZA ODORIZACIJU PRIRODNOG GASA)

Redni broj	Naziv robe	Jedinica mjere	Količina	Jed.cijena KM ili EUR	IZNOS KM ili EUR
1.	ODORANT THT (tetrahidrotiofen, C ₄ H ₈ S) sredstvo za odorizaciju prirodnog gasa.	litar	2300	15,50	35.650,00 EUR
UKUPNO DDU SARAJEVO (neocarinjeno) BEZ PDV-a:					35.650,00 EUR
POPUST:					0,00 EUR
UKUPNO DDU SARAJEVO (neocarinjeno) SA POPUSTOM BEZ PDV-a:					35.650,00 EUR

NAPOMENA:

- Paritet DDU Sarajevo (neocarinjeno) bez PDV-a.
- Odorant će se transportovati isključivo u odgovarajućim nehrđajućim spremnicima koji su vlasništvo Kupca u skladu sa propisima o zaštiti okoline.
- Isporuka odoranta je sukcesivna prema potrebama Kupca (2 isporuke u toku realizacije ugovora).
- Troškovi privremenog izvoza praznih spremnika i špediterski troškovi u Sarajevu padaju na teret Kupca, Sve ostale troškove van granica Bosne i Hercegovine snosi Prodavac.
- Uz svaku isporuku robe se mora obavezno dostaviti: EUR 1 – Dokaz o porijeklu robe, Sigurnosno tehnički list sa hemijskim sastavom robe ili Certifikat o hemijskom sastavu robe i Tehničko uputstvo o korištenju robe.
- Cijene moraju biti izražene u KM ili EUR. Za svaku stavku u ponudi mora se navesti cijena.
- Cijena ponude se iskazuje bez PDV-a i sadrži sve naknade koje ugovorni organ treba platiti dobavljaču. Ugovorni organ ne smije imati nikakve dodatne troškove prema ponuđaču osim onih koji su navedeni u ovom obrascu.
- U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama. Jedinična cijena stavke se ne smatra računskom greškom, odnosno ne može se ispravljati. Nula nije cijena.

Za ponuđača:

ELOB d.o.o. Zagreb
Direktor: Jadranka Fumić, dipl.oec.

ELEKTROOBJEKTI d.o.o.
Uputstva i vanjska trgovina
10020 ZAGREB, Av. V. Holjevca 20

Šef Službe za komercijalne poslove
Mirsad Fatić, dipl.oec.

Za KJKP "Sarajevogas" d.o.o.

Izvršni direktor
Mr. Mehmed Mehović, dipl.oec.

15/49